


**KA WRITE UP HA KABA IADEI BAD KA
KHASHI JAINTIA PRESBYETRTAIN SYNOD SEPNGI
GUEST HOUSE, VELLORE,
ANNAI THERESA NAGAR, APDULLAPURAM,
VELLORE- 632806, TAMILANADU**



Ha snem 2002 la phiah ia ka Khasi Jaintia Presbyterian Synod pyllun ha ki ar tylli ki Synod kata: **(i) Ka Khasi Jaintia Presbyterian Synod Mihngi bad (ii) Ka Khasi Jaintia Presbyterian Synod Sepngi**. Kine ki ar tylli ki Synod ki la pynlong ruh ia kawei ka bor Balang ia kaba la khot da ka kyrteng, "**Khasi Jaintia Presbyterian Assembly**". Ia ka Khasi Jaintia Presbyterian Assembly la pynlong ryngkat bad ka jingthmu ban tehsong ia ka jaitbynriew bad kumjuh ban peit bad pyniaid ia ki Project ba iadei lang.


Ha kaba iadei bad ka jingkhmih ia ki Khristan Khasi shabar u pud ka Synod (mynshwa) ne ka Assembly (mynta) ha ki katto katne snem, kata: 2003- 2006 la peit da ka Khasi Jaintia Presbyterian Assembly. Ha ka snem 2006, ka la don ka jingpyrkhat ba ia kane ka bynta yn bate noh sha ki Artylli ki Synod ban khmih bad pyniaid ia kine ki Centre ba don shabar na ki pud jong ka Synod. Kane ka jingaiti ia kine ki Centre sha ki Synod ka long halor ka nongrim ba namar dei



ki Synod kiba bat ia ka Pastoral Ministry katkum ka Constitution jong ka Balang. Ia kane ka jingpyrkhat bathym-mai la pdiang bad mynjur da ka Jingialang Pyrkhatkam ba shisien Ar snem jong ka K.J.P. Assembly kaba la long ha ka Balang Pynthorumkhrah (kaba hap hapoh ka KJP Synod Sepngi) ha ki tarik 12th -15th April, 2007. Ha kane ka jingiabynta jaka trei hapdeng ki Artylli ki Synod, kine harum ki dei ki jaka (Centres) ba la aiti noh da ka K.J.P. Assembly ha ka jingkhmih bad jingtrei jong ka K.J.P Synod Sepngi: **(i) New Delhi, (ii) Vellore, (iii) Guwahati, (iv)Tura.**

Ha kaba iadei bad ka jingsumar ia ka Guwahati bad Tura, ka Synod ka la shu phah Pastor ban leit ai Sakramen man la ka Quarter, katba ia ka Delhi bad Vellore, ka Synod ka la iakut ban thung da ki Pastor ki ban leit ban shong ban sah sha kine ki jaka.


Ka Synod ka la shimkhia ban wad jaka ha Vellore da kaba phah ia u Rev. S.I. Iawphniaw, Senior Executive Secretary bad T.Bn. K. Lyngkhoi. Kine ki Rangkap ki la wanrah ia ka Report ha kaba iadei bad kane ka kam, shuh shuh ka Executive Committee hadien ka jingiakren khnang ba kan long kaba kham bniah bad kham shai ka la iakut ban shaniah ha ka Trust Department ba kan iaitrei ia kane ka kam. Kumta, ha ka snem 2011, u Rev. P. Hynniewta, Senior Executive Secretary, u la leit hi dalade sha Vellore bad u la wanrah ia ka Report ha ka Executive Committee kaba la long ha ka 25th November, 2011 ban thied ia ka jaka kaba 10,080 Sq.ft. ha ka dor kaba long baroh Rs.21,11,200/- (Kaba kynthup ia ka dor jong ka khyndew, ka Registration, kiwei kiwei ki jingsiew) ha kaba la pdiang bad mynjur ia ka Report kumba la wanrah. Nalorkata, u Senior Executive Secretary u la pynsngew ruh ba ka dang don ka jaka kumba 5000 sq.ft kaba la tyrwa ha ka dor Rs.200/- shi Sq.ft kaba don ha syndah ka jaka ba la dep thied. Ka Executive Committee ka la iakut ban shim ia kane ka jaka kumjuh. Kumta, ka jaka ba la thied ha Vellore baroh ka long **15,120 Sq.ft.** kaba long baroh **Rs.30,24,000/-**.



Te hadien ba la ioh ia kane ka jaka, la shaniah ha u Rev. R.S. Mawlong uba trei kum u Chaplain hapoh ka Christian Medical College (CMC) Vellore ban pynioh ia u Architect ban plan ia ka jingtei. La submit sha ka Executive Committee ia ka Plan bad Estimate ba la dep pynkhreh ban tei ia ka ling kaba 4 mala ha ka jinglut kaba long Rs. 6,00,00,000/-. Ia kane ka Plan bad Estimate la hap ban pynkylla noh bad ba kam dei shuh ban long 4 mala, hynrei ban tei tang 3 Mala, namar kumba ka long, katei ka jaka ka don hajan ka jaka ba la sdang ban shna ia ka Airport. Lada 4 Mala ka lah ban ktah ia ka jinghiar bad jingkiew jong ki Aeroplane.

Ka jingthmu ba kongsan jong ka Synod ha ka ba shna ia kane ka iing ha Vellore, ka long: ban pynioh jaka sah ia u Chaplain jong ka Synod ba trei ha CMC Vellore, ban don ki Guest Room na ka bynta ba ki briew ki leit sah, ka Hall ban pynlong ia ki jingiaseng na ka bynta ki Khasi kiba sah ha katei ka jaka bad kiwei kiwei.

Kumba ka long ha kitei ki snem ba la leit, Ka Synod ka don ia ka jingkit bakhia ha kaba shna ia ka Synod Office bad ruh ka jingpynmih pisa ia ka jingthied jaka ha Delhi bad kumta ym pat lah ban leh eiei ia kane ka jaka lait tang kaba ker kynroh (Fencing) baroh sawdong jong ka kaba la pyndep ha u bnai February, 2016. Dei tang ha ka Jingialang Pyrkhatakam jong ka Synod kaba la long ha ka Balang Presbyterian Mawlai ha ka snem 2017 ba la iakut ban shna noh ia kane ka iing ha Vellore ia ka ban long ruh Phase Wise. La sdang ia kane ka jingshna da kaba leit ban buh ia u Maw nongrim jong ka jingshna ia katei ka iing ha ka **30th August, 2017** da u Rev. S.S. Majaw, Senior Executive Secretary ha ka jingdon ryngkat u Rev. L.D. Nongsiej, Secretary ka Synod bad T.Bn. K. Lyngkhoi, u Dkhot jong ka Trust Department, Rev. K. G. Snaitang Chaplain CMC Vellore, ki Dkhot jong ka K.J.C.F bad kiwei kiwei de kynthup ia u Engineer bad ki briew jong ka Aarch Builders.




Hadien ba la dep shna ia ka jaka sah u Pastor, ka jaka sah u Watchman bad 3 tylli ki Guest Room attached small kitchen man la ka kamra, la leit ban plie ia kane ka iing ba la dep shna ha ka **2nd March, 2018** da u Moderator ka Synod Rev. N.H. Thongni ryngkat ka jingiadonlang u Rev. S. S. Majaw, Senior Executive Secretary; Rev. K.B. Snaitang, Executive Secretary; Rev. L.D. Nongsiej, Secretary ka Synod; Rev. R. F. Kharkhrang; Treasurer , Rev. K. G. Snaitang, Chaplain CMC Vellore; ki Dkhot jong ka Khasi Jaintia Christian Fellowship (K.J.C.F.) bad kiwei kiwei de kynthup ia u Engineer bad ki briew jong ka Aarch Builders. Ha kane ka sngi la pynlong ruh ia ka jingthung dieng ha baroh sawdong ka Compound jong ka da baroh ki ba la wan ban don ha kane ka jingplie kynthup ia ki nongmih khmat na ka liang jong ka Local Panchayat. Kane ka long ka sngi ba kmen ia kito baroh kiba la ia don ha katei ka sngi bad ban iohi ba ka Synod ka la lah ban pynurlong ia ka jingthmu jong ka ban don ka iing la ka jong jngai na la ka jylla bad ka Synod.

Kane ka iing ha Vellore kumba ka long mynta, ka la long ka jingkyrkhu kaba khraw ia kiba bun kiba hap ban leit sha katei ka nongbah na ka bynta ka jingsumar ia ki jingpang bad kiwei ki jingdonkam kumjuh. Bun ruh kiba la pynpaw ka jingsngewnguh ia ka Synod kaba la shimkhia ia kane ka kam. Ka dor ba ngi buh ia mynta ia kitei ki kamra sahmiat ki long kumne;

(i) A.C. Rs 600/- bad (ii) Non A.C 300/-


Ka Synod ka angnud ba la kumno kumno dei ban lah ban tei pyndep noh ia ka Ground Floor baroh kawei khamkloi katba lah khnang ban lah ban pyndonkam ia ka da kiba bun. Ka Plan bad Estimate ba la pynkhreh ha ka ba shna ia ka bynta jong ka iing ha ka Ground Floor ba dang sah ka long baroh Rs.1,88,00,000/- (Shi Klur Phra Phew Phra Lak Tyngka). Ka Synod ba la long ha Sohiong ha ki Tarik 8th-11th March 2018 ka la iakut kumne: (i) Ban thoh sha baroh ki Presbytery ia kaba kin pynpoi shaduh ki District, ki



Balang bad ki Riewshimet ba kin sngewbha ban ia seibor kyrpang bad kylluid ban ai na ka bynta ka jingshna pyndep ia ka Ground Floor jong kane ka iing ha Vellore kaba long katkum ka Plan bad Estimate. (ii) Ban shaniah ha u Moderator ka Synod ba un ai ka jingkren pynshai paidbah ha ka Jingaseng Paidbah Sngi U Trai Por 1. 30 P.M (iii) Ban aibor bad ban shaniah ha ka Department (Trust) ban thaw ia ki lad ki lynti baroh ha ka ba iadei bad kane ka jingdonkam.

Dei halor kane ka jingiakut jong ka Synod ha Sohiong 2018 ba ka Trust Department ka shim ia kane ka kabu ban iashem bad phi ia kiba ngi la shu jied ban ia pyrkhath shaphang kumno ban thaw ia kiwei pat ki lad ban pynmih pisa halor kane ka jingthmu jong ka Synod kham klooi.

*Mynta la bteng shuh shuh ha kaba iadei bad ka jingshna sa ia ki **Lai tylli ki Suite Room attached small Kitchen** ka ban long ruh ha ka jinglut kaba 36 lak. Kumta ka Pisa kaba ngi dang donkam ban ioh ia mynta ka long **Rs 1, 52,00,000/-** tam ne duna (Rs 1,88,00. 000/- Rs 36,00,000/- = 1, 52,00,000/=).*



(REV. S. S. MAJAW)
Senior. Executive Secretary
I/C Trust Department



(REV. H. E. MARBANIANG)
Chairman
Trust Department

